

ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ՄՐԾԱԿՑՈՒԹՅԱՆ ՊԱՇՏՊԱՆՈՒԹՅԱՆ ՀԱՆՁՆԱԺՈՂՈՎԻ
ԳԼԽԱՎՈՐ ՔԱՐՏՈՒՂԱՐ

Հայաստանի Հանրապետություն, 0010, ք. Երևան, Տիգրան Մեծի 4, հեռ.՝ (+374 60) 830 840, (+374 60) 830 850

Էլ-փոստ՝ info@competition.am, վեբ կայք՝ <http://www.competition.am>

«16» 11 2023 թ.

No 01 0220

«ԹԱՄՁԱ» ՍԱՀՄԱՆԱՓԱԿ
ՊԱՏԱՍԽԱՆԱՏՎՈՒԹՅԱՄԲ
ԸՆԿԵՐՈՒԹՅԱՆ ՏՆՕՐԵՆ
ՊԱՐՈՆ ՎՌԱՄ ՀՈՎՍԵՓՅԱՆԻՆ

(Հասցե՝ մ. Կոտայք, Արտվան, Սևան-Երևան մայրուղի, Վերին Պարոն, 20/2228)

Հարգելի՛ պարոն Հովսեփյան,

Կից ուղարկվում է Մրցակցության պաշտպանության հանձնաժողովի 2023 թվականի նոյեմբերի 14-ի «Գուրգեն Դավթյան» սահմանափակ պատասխանատվությամբ ընկերության վերաբերյալ թիվ ՀԳ-02110/23 վարույթի ժամկետը երկարաձգելու մասին» թիվ 494-Ա որոշման պատճենը:

Առդիր՝ 3 թերթ:

ՀԱՐԳԱՆՔՈՎ՝
ԺԱՄԱՆԱԿԱՎՈՐ ՓՈԽԱՐԻՆՈՂ

ԴԱՎԻԹ ՀՈՎՀԱՆՆԻՍՅԱՆ

Մրցակցության գնահատման և վերահսկողության վարչություն
Կարարող՝ Կարլոս Մարգարյան
Հեռ. (+374 60) 830-840 (208)



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ ՄՐՑԱԿՑՈՒԹՅԱՆ ՊԱՇՏՊԱՆՈՒԹՅԱՆ ՀԱՆՁՆԱԺՈՂՈՎ

Ո Ր Ո Շ ՈՒ Մ

14 նոյեմբերի 2023 թվականի թիվ 494-Ա

**«ԹԱՄՁԱ» ՍԱՀՄԱՆԱՓԱԿ ՊԱՏԱՍԽԱՆԱՏՎՈՒԹՅԱՄԲ ԸՆԿԵՐՈՒԹՅԱՆ
ՎԵՐԱԲԵՐՅԱԼ ԹԻՎ ՀԳ-02110/23 ՎԱՐՈՒՅԹԻ ԺԱՄԿԵՏԸ ԵՐԿԱՐԱԶԳԵԼՈՒ ՄԱՍԻՆ**

Մրցակցության պաշտպանության հանձնաժողովը (այսուհետ՝ **Հանձնաժողով**) 2023 թվականի նոյեմբերի 14-ի նիստում, քննարկելով «Թամզա» սահմանափակ պատասխանատվությամբ ընկերության (այսուհետ նաև՝ **Ընկերություն**) վերաբերյալ թիվ ՀԳ-02110/23 վարույթի ժամկետը երկարաձգելու մասին հարցը,

Պ Ա Ր Զ Ե Ց

Հանձնաժողովը 2023 թվականի մայիսի 16-ի «Թամզա» սահմանափակ պատասխանատվությամբ ընկերության կողմից տնտեսական մրցակցության բնագավառում իրավախախտման վերաբերյալ վարույթ հարուցելու մասին» թիվ 222-Ա որոշմամբ հարուցել է թիվ ՀԳ-02110/23 վարույթը (այսուհետ՝ **Վարույթ**):

Ընկերության նկատմամբ Վարույթը հարուցվել է սեղմված բնական գազի շուկայում գերիշխող դիրքի չարաշահման հատկանիշների առերևույթ առկայության հիմքով:

Ընկերությունը Վարույթում իրեն վերագրվող առերևույթ իրավախախտման առնչությամբ դիրքորոշում չի հայտնել:

Հանձնաժողովի նախագահի 2023 թվականի հուլիսի 17-ի թիվ 006421 գրությամբ Ընկերությունից պահանջվել է ներկայացնելու տեղեկատվություն, որին Ընկերությունը պատասխանել է 2023 թվականի օգոստոսի 23-ի գրությամբ՝ միևնույն ժամանակ ներկայացնելով առարկություններ Վարույթում իրեն վերագրվող առերևույթ իրավախախտման առնչությամբ:

Հանձնաժողովի նախագահի 2023 թվականի օգոստոսի 7-ի թիվ 007057, սեպտեմբերի 11-ի թիվ 008031, օգոստոսի 8-ի թիվ 007083, սեպտեմբերի 11-ի թիվ 008073 և սեպտեմբերի 19-ի թիվ 008395 գրություններով պետական մարմիններից՝

համապատասխանաբար Կադաստրի կոմիտեից, Երևանի քաղաքապետարանից, Պետական եկամուտների կոմիտեից և Ներքին գործերի նախարարությունից պահանջվել և ստացվել է ԱԳԼԾԿ-ների վերաբերյալ Վարույթի շրջանակում անհրաժեշտ տեղեկատվությունը:

Միևնույն ժամանակ, Հանձնաժողովի նախագահի 2023 թվականի հոկտեմբերի 24-ի թիվ 009405 գրությամբ (այսուհետ նաև՝ **թիվ 009405 գրություն**) Պետական եկամուտների կոմիտեից պահանջվել է ներկայացնել հետևյալ տեղեկատվությունը.

1. Երևան քաղաքում գործող ավտոգազալիցքավորման ճնշակայաններ (այսուհետ՝ **ԱԳԼԾԿ**) շահագործող «Կելլի և Վիլիամս» (ՀՎՀՀ-02553467), «Ավտոգազ» (ՀՎՀՀ-00842235), «Օկտան ԴՊ» (ՀՎՀՀ-02224606), «Օլիվեստա» (ՀՎՀՀ-00076917) և «Մուլտի Գազ» (ՀՎՀՀ-03523012) սահմանափակ պատասխանատվությամբ ընկերությունների կողմից 2021 թվականի հունվարի 1-ից մինչև 2022 թվականի դեկտեմբերի 31-ն ընկած ժամանակահատվածում ՀԴՄ կտրոնների միջոցով իրականացված բոլոր գործարքների վերաբերյալ՝ տարանջատելով ըստ ԱԳԼԾԿ-ների հասցեների՝ միաժամանակ նշելով յուրաքանչյուր ԱԳԼԾԿ-ի հասցեն,

2. սույն գրությանը կից ներկայացված հավելվածում առկա բոլոր ԱԳԼԾԿ-ների հասցեների վերաբերյալ,

3. Երևան քաղաքում գործող ԱԳԼԾԿ-ներ շահագործող բոլոր ընկերությունների կողմից 2021 թվականի հունվարի 1-ից մինչև 2022 թվականի դեկտեմբերի 31-ն ընկած ժամանակահատվածում բնական գազի ձեռքբերման բոլոր գործարքների վերաբերյալ՝ հարկային հաշիվների, հաշիվ-ապրանքագրերի տեսքով և/կամ MS Excel ձևաչափով:

Պետական եկամուտների կոմիտեն թիվ 009405 գրությամբ պահանջված տեղեկատվությունը սույն որոշման ընդունման պահի դրությամբ դեռևս չի ներկայացրել:

Հաշվի առնելով, որ Վարույթի ժամկետը լրանում է 2023 թվականի նոյեմբերի 16-ին, իսկ թիվ 009405 գրությամբ պահանջված տեղեկատվությունը ստանալու, Վարույթում առկա փաստական հանգամանքները վերլուծելու, անհրաժեշտության դեպքում հավելյալ տեղեկատվություն ձեռքբերելու, ինչպես նաև Վարույթի շրջանակում գործի բազմակողմանի և լրիվ քննությանն ուղղված այլ գործողություններ կատարելու համար Վարույթի իրականացման՝ «Տնտեսական մրցակցության պաշտպանության մասին» օրենքով (այսուհետ նաև՝ **Օրենք**) սահմանված վեցամսյա ժամկետը բավարար չէ՝ Հանձնաժողովը գտնում է, որ առաջացել է Վարույթի ժամկետը 2023 թվականի նոյեմբերի 16-ից եռամսյա ժամկետով երկարաձգելու անհրաժեշտություն:

Հիմք ընդունելով վերոգրյալը և ղեկավարվելով Օրենքի 63-րդ հոդվածի 1-ին և 2-րդ մասերով, 42-րդ հոդվածի 2-րդ մասով՝ Հանձնաժողովը


Ո Ր Ո Շ Ե Ց

1. 2023 թվականի նոյեմբերի 16-ից եռամսյա ժամկետով երկարաձգել «Թամզա» սահմանափակ պատասխանատվությամբ ընկերության վերաբերյալ թիվ ՀԳ-02110/23 վարույթի ժամկետը:

2. Սույն որոշումն ուժի մեջ է մտնում ընդունման պահից:

ՆԱԽԱԳԱՀ

2023 թ. նոյեմբերի 14
Երևան



Գ. ԳԵՎՈՐԳՅԱՆ